

եկն երկրորդ անգամ կապել զգործարանն. յորմէ ի սպառ լուծաւ զօրութիւն իմ, մերժեցաւ յինէն կեանք իմ. քաղեցաւ միանգամայն և ոգի իմ, և դառնամ առ այն ուստի առի. . .» (19):

Ի հեճուկս Թադէոս Երէցին հակառակութեանց, Ոսկանի եղբայրն ու քեռորդին՝ Աւետիս Դլիջենց և Սողոմոն Լեւոնեան կը շարունակեն տպագրական այս կարեւոր ձեռնարկը, օժանդակութեամբ Մկրտիչ Վ. Զուղայեցիի, Մատթէոս Վանանդեցիի, Պօղոս Մանիսացիի և ասոր Յովհաննէս որդւոյն և Դաւիթ Ոսկեկեռքեցիի: 1676ին կը հրատարակեն Փոքր Մաշնոցը, և ապա Մեծ Մաշնոցը, Յակոբ Կաթողիկոսին յօդորդին համաձայն. յետոյ Նուագաբան Կուսիկ Մարիամու կոչուած գիրքը: 1679ին կը վերջանայ Ոսկանի սկսած ժամակարգութեան տպագրութիւնը (20):

Յակոբ Կաթողիկոս չի կրնար, ըստ բաւականի, զօրավիգ կանգնիլ Ոսկանի և անոր յաջորդներուն տպագրական գործին, որովհետեւ կլանուած էր Կաթողիկոսական և պատրիարքական աթոռներու շուրջ յարուցուած խնդիրներով, և անոնց հետեւանքով ճնշուած էր մեծամեծ պարտքերու բռնին տակ:

(19) ԱՅՊ, 253—255:

(20) ԱՅՊ, 255—257. Լեո, ԱՅՊ, 457—462: